

將軍
孚琦

自首

四國銀
行大借
款

黃興謀
取廣州
不克

於南洋以覆清為己任時袖短槍狙伺滿官吏思得一當會孚琦以步軍統領出為廣州將軍孚琦者孝欽之內親榮祿之從姪也至粵未久一日聞有演駕飛機者出外游觀薄暮返生才途擊之連發五彈倒地立斃從者駭遁生才徐步詣官自首言與孚將軍無私怨惟專制之為厲國仇之未報特為同胞雪憤慨耳窮鞫無枝節遂見戮時年四十二

三月度支部尚書載澤奏借英美德法四國銀行款一千萬鎊 目名為整頓幣制振興實業之用而實則用於行政經費者為多是為四國銀行大借款

黃興謀取廣州燬總督署不能克林時壘等七十二人死之 目自宣統二年廣州新軍失敗後趙聲提議改由長江為起義地點鄂先發難湘蜀蘇皖四省應之分河南臨淮海道三路北上為一舉盪平計而黨人中皆閩粵人多仍欲以廣東為根據地遂復謀取廣州是年三月孫文黃興密謀運軍火集黨人推趙聲為總指揮圖大舉聲定期於三月二十八日舉事先是三月二十六日有女黨員由省至港謂黨中陳鏡波者實政府偵探故省中戒備極嚴聲知事洩欲展期而黃興不可即先行入城聲後

黃興攻督署

林時埭等戰死

七十二烈士

慶親王奕劻爲總理新內閣

至城門已閉，不得入。興在城內，自任總指揮，率炸彈隊首攻督署，令陳炯明攻警察局。姚雨之攻槍礮局。定二十九日下午五時半出發。屆時興先舉全隊疾行至督署，擲彈猛擊，死衛隊數十人，餘皆逃匿。興等入署，搜粵督張鳴岐不得會水師提督李準，率防營兵至，與戰斃防軍數百人。而林時埭方聲洞陳與燊等皆戰死。興手指及足皆中彈，即率殘部十餘人衝隊而出，避至民間米店中，藉米袋築牆自守。以十餘人禦防營兵四五百人，相持十數分鐘，而陳姚兩軍均未發動。興孤軍無援，已而防營兵縱火焚米店，衆不能支，乃潰走。興獨身縋城遁。同黨死者七十二人，多青年志士。或留學外國者，粵人叢葬於番禺城北之黃花岡，號七十二烈士墓。趙聲聞變，撫膺悲痛，未幾亦卒。

夏四月，江蘇諮議局議員全體辭職。目以與兩江總督張人駿爭預算案，不肯屈服故也。

綱設立內閣，以慶親王奕劻爲總理大臣。目立憲年限，既縮九年爲五年。於是憲政編查館奏定修正籌備事宜，准於宣統三年頒布內閣官制。設立內閣，本年四月由憲政編查館奏定內閣官制及辦事暫行章程隨

詔設立內閣以慶親王奕劻爲總理大臣大學士那桐徐世昌爲協理大臣梁敦彥爲外務大臣善耆爲民政大臣載澤爲度支大臣唐景崇爲學務大臣蔭昌爲陸軍大臣載洵爲海軍大臣紹昌爲司法大臣溥倫爲農工商大臣盛宣懷爲郵傳大臣壽耆爲理藩大臣均爲國務大臣組織新內閣是爲中國第一期之新內閣新內閣既成立遂下詔裁撤舊有內閣及軍機處會議政務處舊設內閣大學士協辦大學士仍序次於翰林院時新內閣總理爲慶親王奕劻輿論譁然謂爲皇族內閣

綱設立弼德院以陸潤庠爲院長榮慶爲副院長

綱設立軍諮處以載濤毓朗爲軍諮大臣

綱宣示鐵路國有政策 **目**慶親王之組織新內閣也以盛宣懷爲郵傳

部大臣而盛宣懷之謀圖也第一政策卽爲厲行鐵路國有政策先是御

史石長信以商辦鐵路緩不濟急弊竇滋多請定幹路均歸國有枝路准

商民自辦之法盛宣懷卽奏請施行於是攬所有民辦路線一律改歸官

辦而貸借外債以修築之於時爲籌備憲政之第四年一切政策應交資

政院協議由內閣議決執行然政府懼資政院反對竟不交議而輒行之

設弼德院
設軍諮處
宣示鐵路國有政策

嚴論有抗爭者以違制論

並嚴論有抗爭者以違制論

輒數月之久。謂中國幅員廣闊。交通阻滯。延萬餘里。程途動

可。四國家必有縱橫。境諸大幹路。方足以資行政。而據中央之樞紐。從前規畫未善。並無一定

辦法。以致鐵路政。錯亂紛歧。不分枝幹。不願湘力。一紙呈請。輒行批准。商辦萬民之脂膏。或以

收股。或以侵蝕。按此亦係實情。當時國民之授下。鐵路均歸國有。定為政策。所有宣統三年

虛糜。或以侵蝕。按此亦係實情。當時國民之授下。鐵路均歸國有。定為政策。所有宣統三年

交受。其固貽誤。何堪設想。用特明白曉諭。昭示天下。鐵路均歸國有。定為政策。所有宣統三年

以前各省分設公司。集股商辦之幹路。延誤已久。應即由國家收回。趕急興築。除枝路仍准商民

量力酌行外。其從前批准幹路各案。一律取銷。至應如何。非同之詳細辦法。著度支部。郵傳部。陳

遵此旨。悉心籌畫。迅速請旨辦理。該管大臣毋得依違瞻顧。一
時宣統三年四月十一日也。

此旨之下。距貴政院第二次常年會期。凡四月。於是反對者接踵而起。因以激

起川湘之劇變。

綱以端方充督辦粵漢川漢鐵路大臣。綱以實行鐵路國有政策。恐川

湘人民反對。故以端方為督辦大臣。將以武力抑制之也。

綱吉林大火。綱城內官錢局。陸軍糧餉局。高等審判廳。檢察廳。財政局

官書局。圖書館。皆被焚。片瓦無存。監獄燒毀殆半。以度支司署為尤甚。民屋被燬約萬餘戶。財政損失約二千餘萬。人口遭難約三分之一。五月。湘民力爭收路。湖南巡撫楊文鼎奏請懲治。詔格殺勿論。鐵路國有問題發生後。朝廷派員收路。各省紳商士民聯合抗爭。大旨謂

吉林大火

湘民力爭收路。詔格殺勿論。

粵漢鐵路始由盛宣懷借美款興造與美公司訂立合同光緒二十八年

三省鄂湘士人不惜竭血汗之資慘淡經營僅得收回集股商辦程功方

亟當時湘鄂兩省均集款無著粵雖有款而紳士爭權進步滯滯實貽政府以口實無可諱言而與民爭利之國有政策乃於是

時發見不啻奪我民生命財產付諸外人云云時朝廷方倚重宣懷凡所

主張非藉嚴旨以箝衆口即假兵威以示壓制羣議俟諮議局開常年會

一律不赴召集各省工商亦相約罷業以爲後應而政府悍然不顧力主

貸款築路之策英美德法等國借款之約行將成立湘省人民聞之首先

發起保路會羣起抗爭輿論憤激咸謂力能自辦不願借債請暫緩收路

湘撫楊文鼎據以入奏復密電政府描寫開會情形謂有匪徒從中煽惑

非挾雷霆萬鈞之勢不足示威盛宣懷嘉其有識力贊其說於是有格殺

勿論之諭

綱川民力爭收路四川總督王文奏請恤民奉旨嚴斥 目先是川路

公司得湘鄂路保路函電全體贊成旅京川人集議再三堅持反對國有

及收回股本之說留東學界且斥言盛宣懷蔽上罔下爲虎作倀力主路

存與存路亡與亡之議川人聞之大爲感動羣議萬一不得請則不輸租

與民爭利

發起保路會

川民力爭收路

趙熙歐
家廉奏
劾盛宣
懷

請另組
織責任
內閣

稅以爲後盾。川督王文亦以政府顯拂輿情。慨允代奏。並請體恤民情。希冀朝廷悔悟。而盛宣懷等。以諸國借款勢成騎虎。運動度支部大臣。載澤預爲之地。奉旨申斥。王文謂鐵路改歸國有。勢無反汗。並有上年川路公司人員。虧耗鉅款。剝削脂膏。徒歸中飽。殃民誤國。人所共知等語。由是川中輿情。益形憤激。風潮且愈趨愈急。

綱御史趙熙歐家廉奏劾盛宣懷借債賣路二十餘款不報。自川湘各省爭路風潮日緊。於時廣東同鄉京官聯署奏劾盛宣懷。蒙蔽朝廷。侵權違法。湖北京官胡漢章等聯名抗爭。歷數宣懷罪狀。鄂諮議局亦刊布傳單。召集會議。至者數千人。競籌對付之策。御史趙熙等因抗疏入告。歷陳宣懷借債賣路二十餘款。政府不爲動。僅將原摺發交宣懷閱看而已。綱頒布內閣屬官制。暨內閣法制院官制。同時裁撤憲政編查館。及吏部等衙門。政權悉歸於內閣。

綱六月各省諮議局呈請另組責任內閣不許。自責任內閣者對於議會負責任者也。時議會未立。先立內閣。而內閣又組之以皇族。流弊滋多。自慶內閣成立後。一切施行。不滿輿論。於是

以厲行鐵路國有政策。向各國抵押。債款。當時有慶祝地皮公司之目。

各省諮議局聯合會以內閣宜負責任總理宜不任懿親請實行內閣官

制章程另簡大員組織由都察院代奏

臣略言內閣為代君主負責任之機關故君主立憲國

際內閣大臣有組織內閣之權能負完全無缺之責任其最要之公例在不令內閣內閣之總理歸

於親貴尊嚴之皇族此非薄待皇族謂其無組織內閣之能力實以貴族內閣與君主立憲政體

有不能相容之性質勢不得不然也談君主立憲政體者類無不知君主神聖不可侵犯之語君

主立於神聖不可侵犯之地位則隸於君主之皇族亦可立於特別不可動搖之地位內閣之地

位則可動搖而更新者也立於君主之下以受議會之監督有政策之衝突即發生推倒之事實

組織內閣之總理大臣于君主無親族之關係倒一內閣不過倒一某總理內閣君主不受其

影響組織內閣之總理大臣為密隸於君主之皇族則倒一內閣即為倒一皇族內閣皇族絲內

閣而推倒使臣民之心理皇族之尊嚴君主之神聖必有不能永保之慮恭讀欽定憲法大員

君主神聖不可侵犯列為專條新內閣官制十九條絕無組織內閣必以皇族總理之規定蓋以

任君主立憲國之公例而第一次內閣總理適為親貴之慶王慶王內閣既成對於皇上持負責

任使不可以推倒如設立內閣之制真意何使其可以推倒如我皇上前聖之體統何也中整伏

皇上為國計久遠中略於皇族外另簡大臣充當組織內閣之總理宜不任懿親請實行內閣官

會再呈由都察院代奏等語我國家愛我皇上懼愚忱之未至使人民對於政府生希望

奏上留

奏上留中無何諮議局聯合

會再呈由都察院代奏

略言前呈未奉明旨端端待知所措何敢再行請惟議員

斷絕之感實非國家前途之福不避斧鑕謹再為我皇上繼體無一君主不與負責任皇族不組織

內閣為君主立憲國唯一之原則世界各國均稱我皇上繼體無一君主不與負責任皇族不組織

國之改設內閣為實行憲政之機關固天下臣民所共見而第一次組織內閣之總理適與立憲

曰外人不不知內情可以置之不論也自我朝願布立憲之詔天下喁喁望憲政之心日高希皇政府

立憲之旨有恨本非消之意希望之隱變為疑阻政府之信用一失憲政之進行益難才識朝廷

何以處之內閣之責任顯於彈劾而致流放惟其絕非皇族故於國家大本無所動搖今以皇族當其

再奏被斥

衡懲之則於親親之仁不能無所顧惜不懲則全國民之攻點交集於君主之身國本動實為大變之時代此雖杞人過慮然既為歷史之所有不能保事實之必無萬一此種事實發生不識朝廷何以處之內閣總理大臣任命於君主以組織內閣放責任聯帶實以總理為中心其能聯帶負責之原因必在總理與組織之國務大臣為同一政治方針之黨派君主無偏無阿操黜陟之權以臨之故元首超然而大權益固若以皇族組內閣大權之行使欲為餘親留餘地必生進退為難之現象即乾綱長振而不權生此現象而皇族懸內閣之希望國中黨派將有附和皇族以為政難之中權者皇族既涉政治不能禁政黨之附和政黨各為附利不能不生黨派之競爭及至釀成競爭之患何堪設想機雖不必驟動弊實中于隱微萬一此種事實發生未識朝廷何以處之中略仍請皇上明降諭旨於皇族外另簡大臣組織貴任內閣以符君主立憲之公例以暨臣民立憲之希望云云

奏上旋下旨黜陟百司係君上大權載在先朝欽定憲法大綱並註明議員不得干預值茲預備立憲之時凡我君臣上下何得稍出乎大綱範圍之外乃該議員等一再陳請議論漸近囂張若不亟為申明日久恐滋流弊朝廷用人審時度勢一秉大公爾臣民等均當懍遵欽定憲法大綱不得率行干請以符君主立憲之本旨自此旨一下人民對於清室立憲之信用為之銳減浸成瓦解土崩之現狀矣

綱派陸潤庠陳寶琛授讀 **目**太后以是年七月帝在毓慶宮入學讀書特派陸潤庠陳寶琛授讀並派伊克坦教習國語清文

綱閏六月漢陽大火 **目**是月十六日晚起水陸並焚至翌午五時始熄計陸地被焚之屋八千餘所水中被焚之船亦千餘艘舵戶焚斃及溺死

漢陽大火

者百餘人。

東南大水

○東南各省。江蘇。安徽。江西。浙江。湖南。俱大水。東北。奉天。黑龍江等省。亦大水。人民被災者。達數百萬人。

○調鳳山爲廣州將軍。壽耆爲荊州將軍。

陳敬嶽
刺李準

○廣東水師提督李準。被刺未死。○先是廣東新軍之役。爲水師提督李準所擊敗。及黃花之役。又爲準擊敗。七十二烈士同時殞命。黨人陳敬

陳敬嶽
死

嶽。大痛。思刺李準爲黨人復仇。偵知準往順德清鄉。敬嶽僞爲流丐。沿途乞食。以躡準後。欲待準登岸。以彈擲之。而準始終未上陸。敬嶽不得逞。嗣準返省。又追從之。卒擊準於廣州雙門底。碎準肩輿。傷右手及腰部。未死。敬嶽被擒。遂被殺。敬嶽廣東嘉應人。因讀鄒容革命軍一書。遂醉心革命。爲暗殺團健將。

趙爾豐
督四川

○秋七月。王人文罷。以趙爾豐爲四川總督。○自川人反對鐵路國有政策後。嘗開保路同志會。肆力抗爭。雖政府用強力禁止。然存亡所係。咸願繼之以死。因就成都鐵路局。續開保路大會。到者四千人。議員程某演說。謂今日開會。某不敢以議員資格來。不敢以國民資格來。直以亡國資

格來。因力陳借款亡路。路亡國亡。聲淚俱下。由是人心大爲震動。不及一月。各府州縣皆立分會。以爲之應。重慶府爲川路中心點。人民爭之尤力。集會江西會館與會者萬五千人。公舉代表。宣言借債修路。川人誓死不承認。川督王文默覘民志。激且愈甚。因以衆情不順。據實代奏。盛宣懷疑人文有意反對。致川人肆意挾怨。恧政府請嚴旨申飭。人文憤甚。誓以去就爭。而戒川民勿得暴動。政府旋褫人文職。以趙爾豐代爲川督。人文遂促爾豐赴任。爾豐至川。川人開全體股東大會。決定對付之策。並議嗣後全蜀股東不完捐稅。不納丁糧。無論政府如何濫借外債。川民概不担負。商民停止貿遷。學堂一律停辦。議未定。闔城已停課罷市。保路會踵至者衆。逾數萬。號泣之聲。達於遠邇。咸謂停課罷市。旣已實行。惟有遵守先朝諭旨。所謂大權統之朝廷。庶政公諸輿論。各自散歸。恭奉先皇靈位。靜待後命而已。言畢大哭。惟謹守秩序。無絲毫暴動。爾豐覩事急。電致政府。略謂川路風潮日益劇烈。罷市者已十餘州縣。此外雖未罷市。亦皆有蠢動之象。若不亟定辦法。明白宣示。必有意外之變。且慮民心搖動。匪徒從中煽惑。大局何堪設想。爾豐兄爾巽久任川督。深悉川省民情。亦電達

重慶商民停止營業

趙爾豐槍斃川民四十餘人

政府請仍歸商辦以息紛爭。是時重慶商民亦相繼停止營業。重慶爲通商口岸。外商雲集。各國領事。默察民情。恐禍機猝發。蹈昔年團匪故轍。照會政府。請設法保護。政府始有悔意。朝議多咎盛宣懷。奕劻亦不負責任。宣懷始思讓步。顧已無及。

綱趙爾豐拘捕保路會代表。槍斃川民四十餘人。 目當四川保路會成時。曾派代表劉聲元等赴北京。上攝政王書。請嚴治盛宣懷罪。以謝天下。攝政王不允。聲元等再次上書。請奕劻代奏。奉旨嚴斥。遞解回籍。交地方官嚴加管束。川人大憤。又聞政府有派令端方督兵入川之信。益惶急。憂懣。保路會在川代表鄧孝可等率衆至督署。謁趙爾豐。請阻止端方入蜀。爾豐不聽。代表泣陳。羣衆附和。語稍激。爾豐大怒。叱令親兵拘鄧孝可及蒲殿英等數人。孝可殿英等爲民望所歸。既被拘。益大憤。相率環督署求保釋。至有奉德宗木主上書。大權統於朝廷。庶政公諸輿論。二語以哀懇者。爾豐不之顧。令親兵開槍驅逐。槍斃四十餘人。官民大鬩。爾豐奏言。川人藉爭路爲名。希圖獨立。並發布自保商權書。擁戴羅綸爲首領。意在叛亂。與爭路無涉。奏上。政府遂主張用兵。下詔解散保路會。亂民暴動。格殺

朝命端
方督粵
入川

朝命岑
春煊入
川

勿論

○命端方督兵入四川 ○端方時爲督辦粵漢川漢鐵路大臣當趙爾豐激成民變時政府電諭端方略謂幹路國有從前商民股本均經安定辦法旬日以來川省突有匪人散布自保商權書意圖獨立約期起事經趙爾豐先期偵悉擒獲首要茲已電飭趙爾豐相機剿撫着端方帶隊入川云云由是川境人心愈形激烈

○命岑春煊往四川辦理勦撫事宜 ○春煊初任兩廣總督因事開缺至是奉命往四川會同趙爾豐辦理勦撫事宜時川亂熾甚端方擁兵逗逼不敢進趙爾豐急電乞援政府促春煊西行春煊至武昌與鄂督瑞澂議不合稱病乞歸會趙爾豐奏辦勦得手朝旨遂許春煊還上海

○趙爾豐以亂事敘平入報 ○趙爾豐聞朝廷派岑春煊赴川甚不自安旋聞春煊亦欲和平解決恐春煊一至將劾其激變之罪遂鋪張戰功稱川亂敘平冀以尼春煊之行復私電閣臣謂川邊緊要才難勝任欲求他調以覘朝旨同時川人以爾豐慘斃多命冤憤難平重慶商民公電各省諮議局略謂趙爾豐朦蔽入奏竟謂亂黨猛撲督署肆行焚掠捕風捉

影重誣川人希圖自掩甘與盛宣懷聯爲一氣稍有人心必不殘忍至此倘蒙各省諮議局同伸公論維持大局同人幸甚事爲政府所聞亦疑爾豐所奏不實電諭成都將軍崑玉詳查川亂原因及當時起事情狀崑玉覆奏與爾豐不甚懸殊政府以崑玉爾豐同官難免不受籠絡尋奉攝政王面諭由軍諮府遣參謀官二員澈查川事真相及爾豐對待情形爾豐知爲政府所疑益不自安急鋪張戰績分電各疆臣冀以淆惑衆聽

○八月端方瑞澂合奏川漢粵漢兩路已實行收歸國有 ○先是盛宣懷以川事未定各省保路會有聯絡響應之勢設有變動路事愈難結束因分電端方瑞澂等解散保路會速收股款以定全局至是端方瑞澂等議定接收股款辦法卽從鄂境起取銷商股公司二人遂合詞入奏謂川漢粵漢兩路已實行收歸國有朝廷方傳旨嘉獎而不意武昌民軍卽於是時突起

○武昌民軍起推黎元洪爲鄂軍都督湖廣總督瑞澂遁武昌省城遂爲民軍佔領 ○專制政體不容於二十世紀之世界已爲政治家所公論自黃花岡之役革命聲浪震盪全國而言論事實之相繼發現者且日演

武昌民軍起瑞澂遁

川粵兩路實歸國有

變起之
由來

新軍謀
變

而日激當是時下有鼓吹革命之黨人上復有製造革命之官吏立憲其名專制其實商路則收歸國有外債則任意大借內閣則專任親貴請願代表則遞解回籍又值各省水災饑民徧地天時人事相逼而來而黨人乘之由沿海邊省進趨於長江流域江蘇安徽湖北等省均有黨人潛伏並有大宗軍火由牛莊運入長江清廷聞之大懼分電各省督撫嚴密防範鄂督瑞澂搜捕黨人尤急飭陸軍第八鎮統制張彪分布軍隊按段梭巡八月十七日搜查益密據瑞澂電奏先後捕獲者七十三人十八夜復搜得黨人名冊各營兵士列名黨冊者甚多瑞將按冊窮治一時新軍人自危武昌新軍向稱有萬六千人合組爲步隊馬隊礮隊三種悉歸張彪統轄彪貪懦無能軍隊平時咸懷怨望復經黨人暗中運動久已躍躍欲試至是因黨冊被搜遂謀爲變八月十九日下午九時工程第八營左隊營中忽炸彈聲喧噪聲同時猝起以同心協力爲暗號擊下肩章左右各繫白巾改稱民軍督隊官阮榮發等聞變出阻卽被槍斃步隊二十九三十兩標殺管帶排長數人以應之遂擄火藥庫劫取子彈大呼攻督署與防護馬隊互擊一小時馬隊不能支遂與工兵合分兵三處一駐鳳凰

民軍佔領武昌

衆議黎元洪主民軍

改諮議局爲軍政府

佔領漢陽

山一駐蛇山一駐楚望臺各架礮轟擊督署二十日瑞澂張彪均棄城遁時軍中尙無主衆議以第二十一混成協統黎元洪賢明仁厚素抱共和之志非是莫能當也遂共趨元洪寓所元洪方秉燭坐有軍士數人闖門入元洪按劍叱曰「若屬將何爲欲爲亂耶斫吾頭去吾死不能從」軍士曰「否吾屬冒萬死興義師爲國民計非爲私也」元洪曰「如此則吾當爲爾輩主」於是共肅元洪上騎同至諮議局鄂中官紳亦稍稍集遂決議改諮議局爲軍政府奉元洪爲鄂軍都督而以前諮議局長湯化龍爲民政總長一切政令皆以軍政府名義施行初發難時民軍頗有殺戮滿洲人者元洪既就職遂一面傳令不得在城內放礮不得妄殺滿人一面派兵分守藩庫官錢局儲蓄銀行及度支公所於是武昌省城全爲民軍所佔領

民軍佔領漢陽及漢口

民軍既佔領武昌卽遣兵渡江先至漢陽

兵工廠聲稱張彪派來保護之兵廠中信之仍照常工作及張彪派人到廠領取槍械民軍抗不准領於是廠中始知爲民軍所佔總辦王壽昌遁走上海民軍遂分布軍隊防守各地與兵工廠相連之鐵廠亦爲民軍所

佔領漢口

領事團承認民軍為獨立團體

以袁世凱為湖廣總督岑春煊為四川總督

長沙民軍起

奪漢陽知府先時遁匿於是漢陽府城又為民軍所佔領此八月二十日
事也二十一日有土匪在漢口華界乘機縱火意圖焚劫軍政府立遣兵
數百人馳往救援匪徒聞風遠逸夏口廳王國鐸亦先遁民軍即於漢口
組織軍政分府以前大江報主筆詹大悲為都督於是漢口又為民軍所
佔領武漢三鎮既全為民軍佔領二十二日軍政府遂照會各領事團以
保護租界自任要求其嚴守中立領事團見其舉動文明與庚子拳亂不
同遂宣告中立承認民軍為獨立團體

綱 虢瑞激張彪職以袁世凱為湖廣總督岑春煊為四川總督 目 自民

軍崛起武漢三鎮失守後舉朝震動二十一日朝命陸軍大臣蔭昌督兩
鎮兵前往湖北又命薩鎮冰督兵艦程允和督長江水師赴援革瑞激張
彪職拿解來京起用袁世凱為湖廣總督岑春煊為四川總督均責以督
辦勦撫事宜以趙爾豐為川滇邊務大臣促端方督兵入川端方師次資
州為亂軍所殺其後趙爾豐亦為民軍所殺

綱 九月湖南長沙民軍起推焦昱為都督陳作新為副都督防營統領黃
思浩死之 目 湖南民氣之盛甲於全國鄂軍一起長沙新軍六百人即

奮然欲動巡撫余誠格立將新軍調駐城外防範極嚴而焦昱陳作新極力運動九月初一日新軍遂攜礮入城據軍械局進圍撫署誠格聞變剪髮由署後逸出乘湘班小輪走江西防營統領總兵官黃思浩方謀出阻爲新軍所戕藩司黃以霖臬司劉鍾琳等均逃匿勸業道曾綬若營務處王毓江長沙縣沈瀛等均被殺遂以諮議局爲軍政府公推焦昱爲湘軍都督陳作新爲副都督

江西民軍起

〔綱〕江西民軍起推吳介璋爲贛軍都督巡撫馮汝驤死之 〔目〕武漢警報

佔領九江

至九江礮臺營官徐世法運動新軍響應標統馬毓賢率衆起事九江道保恆知府璞良防營統領張檢均逸去衆推毓賢爲九江都督主持軍務九江礮臺悉歸徐世法統轄九江一帶遂爲民軍佔領警電達省城贛撫馮汝驤倍給陸軍薪餉冀以收拾軍心而人心已去陸軍協統吳介璋已與民軍接洽汝驤守戰均無策九月初二日民軍入城設軍政府於高等學堂公推汝驤爲都督汝驤不從遂以吳介璋爲贛軍都督送汝驤出城

馮汝驤自殺

汝驤尋自殺

江蘇民軍起

〔綱〕江蘇民軍起推巡撫程德全爲都督 〔目〕江蘇民軍始發現於上海九

蘇州府
江相繼佔
領

安徽民
軍起

朱家寶
宣布獨
立

鳳山被
炸死

月十三日。開北巡警局。左近火起。各巡士皆臂纏白布。與民軍合。俄而城上懸白旗。焚道署。是夜至城西。攻取製造局。以陳其美爲都督。李平書爲民政長。隨入蘇州。見蘇撫程德全。請其獨立。德全以一秋毫無犯。勿擾百姓。一爲要約。民軍允之。於是滿城皆白旗矣。十六日。松江鎮江及揚州等府。亦相繼爲民軍佔領。

綱安徽民軍起。推巡撫朱家寶爲都督。目初鄂軍事起。檄至安徽。巡撫朱家寶。命新舊軍概發子彈。至九月初。忽有新軍變亂之謠。家寶命復將子彈收回。於是新軍相約舉事。朱家寶出資遣散之。皖省士紳恐新軍終爲變。羣議獨立之策。提出三問題。要求家寶答覆。家寶答云。軍心如此。民心亦如此。各省相繼而行。令人束手無策。請諸公籌畫擇行。於是。由諮議局開會。公舉家寶爲臨時都督。於十八日宣布獨立。

綱廣州將軍鳳山被炸死。目鳳山爲滿洲將軍。九月初至廣州履任。甫登岸。至大南門外。革命黨周貞之。擲彈炸之。鳳山立斃。貞之順德人。初因陳敬嶽刺李準未中。乃專意於新任滿洲將軍鳳山。時武漢民軍已起。湘贛蘇皖。先後響之。而此一彈。遂爲光復廣州之先聲。

陝西民軍起推張鳳翽爲全陝興漢軍大統領。陝西新軍本多陝甘人光緒末恩壽撫陝奏調王毓江爲協統王皖人也而皖軍之入陝者遂日增多安慶之役熊成基部下幾全數援挈入陝此輩腦中素有革命二字及鄂軍一起聞風響應同時有車駕將西幸避陝之謠欲爲先發制人之計遂於九月初四日由礮工馬步等營相率懸白旗舉事先佔省城據藩庫軍裝局焚電報局巡撫錢能訓以下各官逃避一空遂公推管帶張鳳翽爲全陝興漢軍大統領後改爲都督時駐防旗兵礮擊學生隊四百餘人人情大憤遂有殘殺旗兵之事旋即平定

山西民軍起推閻錫山爲都督巡撫陸鍾琦死之。陝西舉義警耗達山西巡撫陸鍾琦恐民軍來襲欲派新軍往守潼關以爲防堵而新軍均不願設種種要求鍾琦悉應允之於初七晚發餉給彈定次日拔隊啓行會有人至第二營管帶姚作藩處告密謂將於途中要擊該軍作藩大憤遂於初八日晨率衆譁變蜂擁入城槍聲四起直攻撫署鍾琦親出彈壓被衆軍所戕其子翰林院侍講陸光熙及協統譚振德管帶熊國斌皆被殺鍾琦全家死節未幾滿洲駐防兵亦被擊破遂公推協統閻錫山爲

山東民
軍起

都督與陝西取一致行動

○山東民軍起推巡撫孫寶琦為都督 目山東自聞鄂軍起事秦晉響

應又聞清廷以軍餉浩繁向德國借款三百萬以山東全省土地作抵各

地紳士以事機緊迫於諮議局迭開會議議決八事要求巡撫孫寶琦電

達政府其八事一政府不得借外債充軍餉以殺戮同胞二政府須即速布罷職書無論兩軍

款餉及節省項下暫停協解概留本省練兵振旋之用五憲法須註明中國為聯邦政體六外官

制地方稅皆由本省自定政府不得干涉七諮議局章程即為本省憲法得自由改定之八本省

有練兵保衛之自由其所要求實與獨立無異故當時有孫寶琦奏請獨立之傳說旋

得政府覆電於要求各事未能盡允遂於九月二十一日續開會議公舉

寶琦為臨時都督宣布獨立

○革郵傳部大臣盛宣懷職以唐紹怡代之 目收路激變倡之者為盛

宣懷一人當時有盛先壞之目謂清事之敗先壞於宣懷一人之手也舉國指謫朝廷不為動及民軍奮起倉

猝不知所為言路羣起而攻宣懷亦自知不能為眾所容引咎辭職至是

始以違法行私貽誤大局罪名詔即革職以唐紹怡代為郵傳部大臣同

時命趙爾豐釋放因爭路被捕士紳並將王人文趙爾豐交內閣議處道

革盛宣
懷職

立孫寶
琦獨

詔袁世凱與民軍開戰

戰於漢口北之劉家廟

綱詔授袁世凱爲欽差大臣。節制海陸各軍。與民軍開戰。 **目**自武昌發

難之始。清廷卽命陸軍大臣蔭昌。海軍副大臣薩鎮冰。統率海陸軍南下。二十六日抵漢口。二十七日與民軍開始搏戰。民軍作半圓形之陣進迫。一敗清軍於劉家廟。再敗清軍於沈家磯。威聲大震。時蔭昌雖統領陸軍。然性怯懦。盤旋於信陽孝感間。虛作戰備。不敢前進。清廷知事機危迫。不得不改變方略。遂先起用袁世凱爲湖廣總督。令往湖北督軍。至是更命世凱爲欽差大臣。而以馮國璋總統第一軍。段祺瑞總統第二軍。均歸世凱節制。召蔭昌回京。世凱既受命。卽令馮國璋南下。先與民軍開戰。九月六日。民清兩軍大戰於漢口北之劉家廟。民軍初勢甚猛。嗣因薩鎮冰以兵艦巨礮下擊。民軍死傷過當。稍退却。清軍乘勝進逼。遂奪回漢口。縱火焚之。火三日不絕。

附詔漢口之役。馮國璋率第一軍與民軍搏戰。民軍爲薩鎮冰艦礮所擊。退走而西。逾大智門。至跑馬廳。深濠嚴壘。以待相持。至日暮。停戰。是夜馮軍繼續開大山礮側攻。民軍無相當之山礮。以應之。有學生隊徒手攜炸彈。直搏馮軍。久之不支。乃敗退。馮軍直入漢口街市。搶掠之不

足繼之以焚燒商民四散奔逃煙燄蔽天連二十餘晝夜漢口三十里街市俱化為灰燼論者謂此次之火專為焚燬愛新覺羅氏之社稷壇焉又段祺瑞與馮國璋同被命南下段始終未與民軍激戰論者又謂當時若以段易馮則漢口之蹂躪或可倖幸而馮段之優劣於此可見一班云

綱下詔罪己

目九月初九日所下

詔曰朕繼承大統於今三載兢兢業業期與士庶同登上理而用人無方施政寡術政地多用

親貴則顯戾憲章路市矜於貪王則動逾輿論促行新治而官紳或藉為網利之圖更改舊制而權豪或祇為自便之計民財之取已多而未辦一利民之事司法之詔屢下而實無一守法之人馴致怨積於下而朕不知禍迫於前而朕不覺川亂首發鄂亂繼之今則陝湘警報迭聞廣贛變端又見區夏騰沸人心搖動九廟神靈不安歎髮無限燕庶塗炭可虞此皆朕一人之咎也茲特布告天下警與我國軍維新更始實行憲政凡法制之損益利病之革興皆博采輿論定其從違以前舊制舊法有不合於憲法者悉皆除罷化除旗漢屢奉先朝諭旨務即實行鄂湘亂事雖涉軍隊實由瑞澂等乖於撫馭激變棄軍與無端構亂者不同朕惟自咎用瑞澂之不宣軍烈何罪果能翻然歸正決不追究既往朕以眇眇之躬立於臣民之上禍變至此幾使列聖之偉烈貽謀顛墜於地悼心失圖悔其何及尙賴國民扶持軍人翼戴期納我億兆生靈之幸福而鞏我萬世一系之皇基使憲政成立因亂而圖存轉危而為安端恃全國民之忠誠朕實嘉賴於無窮此致

財政外交困難已極我軍民同心一德猶懼艱危倘我夜旁皇惟望天下臣民共喻此致

滔天之禍我中國前途更復何堪設想朕深憂極慮夙夜旁皇惟望天下臣民共喻此致

綱詔開除黨禁

目九月初九所下

略曰黨禁之禍自古垂為炯戒不獨我人才

釐因往熱心政治見在昔日則為罪言而在今日則為讞論者雖或遁逃海外放言肆論不無微瑕究因熱心政治以致逾越範圍其情不無可原茲特明白宣示特沛恩綸與民更始所有戊戌以來因政變獲咎與先後因犯政治革命嫌疑不越法律範圍均享國家保護之權利非據法律不得其既往俾齒齊民嗣後大清帝國臣民有不越法律範圍均享國家保護之權利非據法律不得

非國會解散。即內閣辭職。但一次內閣不得為兩次國會之解散。第十條。海陸軍直接皇帝統率。但對內使用時。應依國會之特別條件。此外不得調遣。第十一條。不得以命令代法律。除緊急命令。應特定條件外。以執行法律及法律所委任者為限。第十二條。國際條約。非經國會議決。不得締結。但媾和宣戰。不在國會開會期中者。由國會追認。第十三條。官制官規。以法律定之。第十四條。本年度豫算。未經國會議決者。不得照前年度豫算開支。又豫算案內。不得有既定之歲出。豫算案外。不得為非常財政之處分。第十五條。皇室經費之制定及增減。由國會議決。第十六條。皇室大典。不得與憲政相抵觸。第十七條。國務裁判機關。由兩院組織之。第十八條。國會議決事項。由皇帝頒布之。第十九條。以上第八第九第十第十一第十二第十三第十四第十五第十八各條。國會未開以前。資政院適用之。

綱以張紹曾為宣撫大臣。目時長江各省皆附民軍紛紛宣布獨立樹排滿旗幟特派紹曾為宣撫大臣使赴長江一帶宣布朝廷德意。

綱釋汪兆銘黃復生羅世勛於獄。目兆銘等去歲謀刺攝政王被執囚禁獄中至是釋之發交兩廣總督張鳴岐差委。

綱浙江民軍起推湯壽潛為都督。目長江各省既響應民軍西南各省

繼之首為浙閩浙省自鄂師起即思獨立惟以駐防營反對未能實現巡撫增韞亦滿洲人防範極嚴九月十三夜諮議局副議長沈鈞儒入撫署

請增韞將旗營兵士編入民籍宣告獨立以免戰禍增韞不允十四夜二

時民軍奮起燬撫署拘增韞佔據軍械局及礮馬輜各營十五日改諮議

局為軍政府公推湯壽潛為都督將軍德濟開礮擊民軍為民軍所敗旋

汪兆銘等獄

浙江民軍起

乞降。允以旗兵改編民籍。旗營一律繳械。並戮協佐領貴林、存炳、哈楚章、量海四人。以爲反抗者戒。於是戰禍始止。

福建民軍起

福建民軍起。推孫道仁爲都督。總督松壽將軍樸壽死之。福建爲滿軍駐防地。自武昌起義後。閩督松壽將軍樸壽對於福州新軍加意防範。藥庫子彈悉行搬入旗界。凡滿人十三歲以上之男子均發洋槍一枝。子彈三百粒。婦女各發小刀一柄。以備決一死戰。且於旗界內安放大礮埋伏地雷。宣言一必使全城人民同歸於盡。一居民聞之無不誠皇。諮議局開會議決。要求松壽樸壽將軍政權讓出。而允以旗丁編入民籍爲交換條件。樸壽不允。九月十九日。民軍突起。推二十協協統許崇智爲總司令。督師與旗兵宣戰。焚將軍衙門。佔據火藥庫。旗兵不能支。懸白旗乞和。繳軍械。松壽仰藥死。樸壽見殺。都統勝恩、藩司尙其亨均派兵護送出境。遂宣布獨立。而以常備軍統制孫道仁爲都督。

雲南民軍起

雲南民軍起。推蔡鍔爲都督。統制鍾麟同布政使世增死之。雲南自英佔片馬後。人民痛政府之失權。久懷憤鬱。及鄂事起。風潮南趨。愈演愈劇。總督李經羲恐新軍有變。爲先發制人之計。九月初七。黎明早操時。

貴州民
軍起

忽下令將槍械收回軍人大震。初十日晨，新軍協統蔡鏗遂起兵，率所部往奪槍礮廠，繼攻督署，酣戰一晝夜。蔡軍大勝，李經羲及司道等均出南門走免。蔡遂被推爲都督，宣布獨立，統制鍾麟同布政使世增及兵備處總辦道員王振畿、管帶范鍾岳均被殺。

○貴州民軍起，推楊蓋誠爲都督。○貴州介居滇桂湘鄂間，聞各省獨立，九月十四日，新軍及政學界齊集諮議局，宣告獨立。是日，新軍整隊入城，守護藩庫及火藥局，改諮議局爲軍政府，巡撫沈瑜慶聞變遁走。公推新軍教練官楊蓋誠爲都督，隊官趙德全爲副都督。軍民人等均懸掛漢旗，歡聲雷動，兵不血刃，而全黔安定。

廣東民
軍起

○廣東民軍起，推胡漢民爲都督。○廣東自黃花岡之役，督署被攻後，

閏六月，水師提督李準被刺。九月初四，將軍鳳山又被刺。是時，全粵滿洲官吏驚恐已極。李準竟令其弟來港，與黨人聯絡。於是廣州士紳假文瀾書院，疊次議獨立，未克就緒。是月十八日，復在諮議局開議，公舉粵督張鳴岐爲都督，提督龍濟光副之。而張已先遁，另舉胡漢民爲都督。陸軍統領陳炯明爲副都督。胡未到省以前，以蔣尊簋代之。遂於十九日，宣布獨

立

廣西民
軍起

綱廣西民軍起。推陸榮廷爲都督。目廣西自得各省獨立通電後。知大局已去。勢難違衆。九月十六日。諮議局議決獨立。由議長面謁桂撫沈秉堃。請爲宣布。沈以茲事體大。未可孟浪。密召藩司王芝祥到轅計議。是夜由藩司發出獨立旗幟甚多。十七日晨。各家各局所均高懸白旗。文曰「大漢廣西全省國民軍恭請沈都督宣布廣西獨立」。廣西國民萬歲。一秉堃至此無可如何。於是廣西亦宣布獨立。無何桂林軍界有與秉堃不協者。於二十日之夜。嗾使巡營十四十五兩隊譁變。謀劫藩庫。不得入。轉攻諮議局及電報局。皆毀。事平。秉堃遂萌退志。旋託北伐之名辭職去。改舉陸榮廷爲都督。

四川民
軍起

綱四川民軍起。殺前四川總督趙爾豐。推尹昌衡爲都督。目四川自鐵路風潮後。所屬皆瓦解。鄂軍起。州縣中起應者不下數十處。惟川督趙爾豐仍擁兵自固。及十月初八。端方見殺於資州。成都民軍遂宣布獨立。舉蒲殿俊爲都督。與趙爾豐開戰。十八日。川省先鋒隊三千餘人忽譁變。戕官劫庫。焚掠肆市。都督蒲殿俊副都督朱慶瀾皆避去。城中主持無人。陸

新疆民
軍起

甘肅民
軍起

外蒙古
庫倫宣
布獨立

軍小學總辦尹昌衡聞變急入鳳凰山營激厲將士率之入城翌日復涕泣誓師軍心感動推昌衡爲都督羅綸爲副都督十一月昌衡引兵圍攻督署擒趙爾豐殺之於明遠樓側全川悉定

綱新疆民軍起推廣福爲都督伊犁將軍志銳死之 目新疆伊犁將軍志銳當未抵伊犁之前與甘督長庚及載瀾載漪等密議擁已廢大阿哥溥儀爲帝聯合蒙衆據新甘兩省進窺山陝事爲民黨楊繼緒馮特民等偵悉乃聯合回民攻擊軍庫志銳倉猝被殺公推將軍廣福爲新伊都督諸部落先後歸附民軍

綱甘肅民軍起義總督長庚被執幽之 目甘肅聞山陝之變人心異常恐懼及伊犁將軍志銳被殺總督長庚知大勢已去不可收拾憂鬱特甚未幾民軍起長庚被囚全省遂宣布獨立

綱外蒙古庫倫宣布獨立逐辦事大臣三多 目外蒙古自改行新政後庫倫辦事大臣三多遇蒙人尤嚴喇嘛有犯法者輒嚴懲之雖活佛親往請寬宥亦不能免以是蒙人皆憤怒辛亥六月蒙古諸王公開大會議共籌對付中央之策時分和平激急兩派和平派主張仍擁護中央促政府

之反省激急派主張聯絡俄羅斯反抗中央結果卒爲親俄派之說所勝
土謝汗部之杭達多爾濟親王等先後赴俄訂結密約至是因武漢起義
舉國響應遂乘機宣布獨立逐辦事大臣三多而自稱爲皇帝

河南民
軍起

○河南民軍起尋敗退 ○河南自武昌發難以來見北軍南下經過該
省種種慘虐非可言喻謀獨立者屢矣而爲清軍所壓迫不能得志先是
九月間河南大俠王天縱由南陽回嵩縣募勁旅七千人於十月十三圍
洛陽攻偃師襲孟津與清軍戰大勝旋以軍火不接退至陝西已而河南
府民軍復起爲清軍所包圍民軍勢不能敵退與秦軍相聯合而民黨之
爲清民慘殺者極多

直隸民
軍起

○直隸民軍起推王懷慶爲都督 ○直隸爲京師所在地防範之嚴過
於他省故當鄂事起後雖有志士密謀運動終屈伏而不得逞其勃起者
惟灤州一軍十一月初十日灤州軍隊通電北京內閣力主共和政體願
參入民軍之列內閣得電卽派王懷慶馳往勸慰王既抵灤該軍卽擁以
爲北軍大都督擬十四日率歸北上王以籌餉爲名逃歸北京袁世凱派
大隊往灤軍雖被撲滅然民心因之而益激

綱東三省民軍起推藍天蔚爲關東大都督。東三省爲清室發祥之地。顧受日俄兩國之感觸。人民信賴清室之觀念。日漸薄弱。武昌變起。各省響應。奉天紳民謀獨立。因軍界不贊成。乃改設保安會。推總督趙爾巽爲正會長。未幾吉林黑龍江亦各設保安會。各推其巡撫爲會長。至是陳再生等遂起義於奉天莊河。顧人宜兄弟復聯絡安東鮑軍。組織滿洲征清第一軍。公舉前奉天陸軍協統藍天蔚爲關東大都督。而遼陽城西劉二堡亦有民軍起事。推徐景清爲首領。由是大局震動。遂以促清室之退位。

綱海軍各艦隊歸附民軍。自民清兩軍開戰後。海軍提督薩鎮冰乘楚有兵船。帶領建安威江元楚豫楚泰楚謙各礮船。湖隼湖鷹湖鶚及辰宿各雷艇。開駛漢口。助攻民軍。至是海軍中有鏡清幫帶陳復及學生劉樾。劉勳名楊砥中常光球等三十餘人。組織敢死隊。于是月二十日夜起事。各輪同時響應。願爲民國効力。遂一律開往鎮江。歸附鎮軍都督林述慶。計鏡清保民楚觀江元江亨建成通濟楚同楚泰飛鷹楚濂虎威江平及張字號魚雷艇共十四艘。皆卸去武裝歸附民軍。

綱袁世凱入京組閣 **目**袁世凱自光緒三十四年勒令回籍後治別業

於彰德杜門謝客不復問世事及武昌變起忽總督湖廣之命即以足疾

未痊力辭至再內閣協理大臣徐世昌世凱之故人也微服出京親往說

之始應召視師各軍多世凱舊部聞世凱不日來軍皆喜曰宮保來矣清制

凡勳臣加太子少保或太保銜者人皆呼之為宮保袁世凱於庚子後得有太子少保銜在直隸任內練兵六鎮漸佈滿北方各省故北軍中習稱之曰宮保勇氣百倍因

是有漢口及漢陽之捷及皇族內閣取消慶親王罷職詔以世凱為內閣

總理大臣電召回京令組織完全內閣世凱屢辭不獲至是入京組織內

閣以梁敦彥為外務大臣趙秉鈞為民政大臣嚴修為度支大臣唐景崇

為學務大臣王士珍為陸軍大臣薩鎮冰為海軍大臣沈家本為司法大

臣張謇為農工商大臣楊士琦為郵傳大臣達壽為理藩大臣並以胡維

德等為各部次官是為清末第二次內閣

綱以段祺瑞署理湖廣總督

綱遣使宣慰各省 **目**前既以張紹曾宣撫長江一帶至是復分遣各省

宣慰使宣慰各省以張謇使江蘇湯壽潛使浙江江春霖使福建譚延闓

使河南梁鼎芬使廣東趙炳霖使廣西喬樹枬使四川謝遠涵使江西柯

原
书
缺
页

原
书
缺
页

原
书
缺
页

原
书
缺
页

原
书
缺
页

原
书
缺
页

孫文當
選臨時
大總統

臨時大
總統就
職

組織內
閣

組織參
議院

宣告各
友邦書

湘粵桂閩晉陝滇贛皖蜀蘇浙十七省代表齊集南京開臨時大總統選舉會結果孫文以十八票當選爲中華民國臨時大總統

綱中華民國臨時大總統孫文就職於南京改用陽曆以是日爲民國元年元日。十一月十三日孫文攜同顧問員由滬專車赴南京就臨時大總統職定國號爲中華民國是日改用陽曆是爲中華民國元年元月元日翌日開臨時副總統選舉會結果黎元洪以十七票當選又翌日組織內閣仿美國制不設總理設陸軍海軍司法財政外交內務教育實業交通九部各部任總長一人次長一人以黃興長陸軍黃鍾瑛長海軍伍廷芳長司法陳錦濤長財政王寵惠長外交程德全長內務蔡元培長教育張謇長實業湯壽潛長交通是爲中華民國第一期之內閣內閣既立復由各省都督府派遣代表組織參議院以爲立法機關未幾由政府以民國名義發表宣告各友邦書略謂一凡革命以前所有清政府與各國締結之條約民國均認爲有效至於條約期滿而止其締結於革命起事以後者則否二凡革命以前清政府所借之外債又所承認之賠款民國亦承認償還之責不更其條件其在革命軍興以後者則否其前經訂借

勸告北
將士
書

事後過付者亦否認。三凡革命以前清政府所讓與各國國家或各國個人種種之權利。民國政府亦照舊尊重之。其在革命軍興以後者則否。四凡各國人民之生命財產在共和政府法權所及之域內。民國當一律尊重而保護之。五凡滿洲人安居樂業於民國法權之內者。民國當一視同仁。予以保護。六吾人當竭盡心力。定爲一定不易之宗旨。期建吾國家於堅定永久基礎之上。務求適合於國力之發展。吾人當更張法律。改訂民刑商法。及探礦規則。改良財政。蠲除工商各業種種之限制。並許國人以信教之自由。同時又發表勸告北方將士書。略謂此次戰事遷延數月。以滿人竊位之私心。開漢族仇殺之慘禍。操戈同室。貽笑外人。此同胞所不可不注意者。一古語云。一民之所欲。天必與之。一今禹域三分。光復逾二。雖有孫吳之智。賁育之勇。亦詎能爲滿廷挽此既倒之狂瀾。此同胞所不可不注意者。又一以上爲南京臨時政府初立時對內對外宣言之一班。蓋草創之始。他務未遑。先以文告爲集合人心之舉。而是時全國人心厭惡帝制。日購報紙。見民軍勝利。則各抱歡欣。聞民軍挫折。則非常憤懣。萬口一聲。以推倒滿清爲鵠的。此亦可見當時大勢所趨。清政府毅然遜位。

袁世凱
撤和議
代表

和議之
波折

吳祿貞
被刺

改建共和非無因也。

袁世凱撤銷唐紹儀議和代表自與民軍直接電商。袁世凱之派唐紹怡南下議和也。本銜有秘密條件。至是南京政府忽然成立。選舉孫文爲臨時大總統。袁世凱聞訊大爲驚異。電責唐紹怡不守密約。紹怡辭職。袁世凱遂與伍代表直接電商。略謂：「國體問題由國會解決。現正商議辦法。乃南京忽已組織政府。顯與前議相背。敢問此次選舉總統是何用意。」伍卽電答謂：「民軍光復已十餘省。不能無統一機關。在國民會議未議決以前。民軍組織臨時政府。選舉臨時大總統。此是民軍內部組織之事。爲政治上之通例。若以此相詰。請還問清政府。國民會議未決以前。何以不卽行取消。何以尙派委大小官員。」於是往返電詰。各逞詞鋒。和議蓋幾幾決裂。

袁世凱被炸未死。袁世凱將赴朝行至王府井大街。忽被民黨黃大鵬等擲炸彈狙擊。護從衛兵隊長受傷。死者十數人。世凱幸免。刺客黃大鵬張先培楊禹昌等皆被執。絞死於東菜市口。

山西巡撫吳祿貞被刺卒於軍。祿貞爲新軍首領。初任第六鎮統

制民軍未起以前嘗與張紹曾等電致政府要求實行立憲旋命署山西巡撫山西獨立其功爲多至是在石家莊營夜既午忽爲人所刺立斃同時陸軍部馬兵科科长張世膺以事來營中亦被害索主名者不得或曰宗社黨首領良弼所使也

綱十二月錫封袁世凱一等侯爵世凱固辭不受

良弼被刺

綱軍諮使良弼被刺死 目當袁世凱與民軍往復討論之際北方之暗

宗社黨阻礙和議

潮忽生蓋其時清廷親貴如載濤載洵載澤善耆及銖良良弼等對於共和政體均極端反對相與組織宗社黨以良弼爲黨魁此黨之人不特仇敵南方甚且猜忌袁氏謂一漢陽之戰與夫停戰議和此中計劃皆出袁氏一及國體問題發生袁氏益爲該黨所忌不能有所表決和議因之停頓是時山西巡撫吳祿貞忽被刺死清廷卽命曹錕率師攻山西奪娘子關入太原窺皖北倪嗣冲復率所部馳騁於潁毫之間一面集兵河南一

袁內閣擱淺

面徵師甘肅將遙合兩地軍隊爲夾攻陝西之計烽煙四起和會解決無望袁內閣亦陷於擱淺地位蓋皆宗社黨首領良弼爲之也至是良弼忽爲民黨彭家珍所炸折其一足越二日卽死先是家珍冒名奉天講武堂

監督崇恭至西城紅羅廠良弼寓宅拜謁適良弼白肅王府歸甫下車與家珍遇彈發炸良弼左脚立斷家珍傷頭部先斃良弼死二時始蘇謂其母曰殺我者眞英雄也眞知我者也旋語其西席康譔瞿曰我死不足惜惟清廷宗社從此滅亡爲可慟耳上年我奏請釋放黨人請開國會皆不我聽今秋變起請以禁軍赴前敵又不用我言而委之蔭昌內廷紛爭外患迭起我宗社之亡將無日免我見政府現在正擬組織宗社黨甫有頭緒欲實力進行而我卽受此慘慟我死清廷亦遂之而亡也刺我死者已死我知之言訖而卒良弼旣卒諸親貴人人自危乃不敢昌言反對清廷數開御前會議然諸親貴爲自固身家計仍欲保全君體已而北方將領段祺瑞忽有請速定共和國體之通電直達清廷諸親貴大震於是時局乃有急轉直下之勢

編著湖廣總督段祺瑞電請速定共和國體

段祺瑞者安徽合肥人

北洋派領袖而素抱革新宗旨者也袁世凱練兵小站教練之事專任之祺瑞故北洋軍官半爲其弟子同輩中推爲軍事學第一其後以統制代王士珍爲江北提督當在江北提督任時每以改進政治之意從容汎論

段祺瑞
首發贊
成共和
通電

段祺瑞
密授袁
指

南北人
民電請
退位

優待條
件

於賓朋燕待之時。至是國體紛爭。衆難交瘁。袁氏有反側之嫌。大局有飄
 颯之患。祺瑞密受袁指。遂於元年一月二十六日。聯合統兵大員四十七
 人。以贊成共和之電。忠告清廷。略謂：「人民心理。傾向共和。應請渙汗大
 號。立定共和政體。以安大局。而奠羣生。」並附最後之警告曰：「如各親
 貴。尚懷疑懼。或以共和爲不利。祺瑞當代全隊入京。與各親貴。剖陳利害。
 一此電既達。親貴王公。皆倉皇失措。不敢更執私見。同時南方人民。相率
 電請清廷退位者。日數十起。而北方之蒙古。聯合會。山西山東河南吉林
 黑龍江各巡撫。及河南諮議局等。繼之。於是。由國會公決問題。一變而爲
 清室退位問題。清隆裕太后。默察大勢所趨。遂以決大計之權。授諸袁世
 凱。並令與民軍商訂遜位條件。其諭略謂：「朝廷何忍以一姓之尊榮。貽萬
 姓以實禍。惟是宗廟陵寢。以及皇室之優禮。皇族之安全。八旗之生計。蒙
 古回藏之待遇。均應預爲籌畫。故授世凱全權。俾與民軍研究一切辦法。」
 清隆裕太后率宣統帝退位。隆裕太后既以決大計之權。授諸袁
 世凱。於是袁世凱逕電伍代表。謂今日始有權討論優待皇室之事。因提
 出協商條件。計關於清帝者九款。關於清皇族者四款。關於滿蒙回藏者

七條經雙方認可定議後用正式公文照會駐京各國公使轉達各該政

府以昭大信於是清隆裕太后即日率宣統帝退位是日下詔書三道其

一關於政府遞嬗問題略謂國體一日不決民生一日不安特將統治權公諸全國定為共和立憲國體近慰海內厭亂望治之心遠協古聖天下為公之義末更言袁世凱前經資政院選舉為總理大臣當茲新舊代謝之際宜有南北統一之方即由袁世凱以全權組織臨時共和政府與民軍協商統一辦法總期人民安堵海宇又安仍合漢滿蒙回藏五族完全領土為一大中華民國與予太后自稱與皇帝得以其二為宣布優待皇退處寬閑優游歲月長受國民之優禮親見邦治之告成豈不懿歟

其二為宣布優待皇室及皇族諸條件略言前以大局貼危兆民困苦特飭內閣與民軍商酌優待皇室各條祀先皇陵制如舊安各節均已一併撥承皇帝但即政權不廢尊號並議定優待皇室八條待遇皇族四條待遇滿蒙回藏七條覽奏尙為周至特行宣示皇族暨滿蒙回藏人等此後務當化

符亭共和之幸福予實有厚望焉

其二為退位後維持京內外秩序及告戒各省疆吏文略言古之君天下者重在保全民命不忍以養人者害人現在新定國體無非欲先弭大亂期保又安若拂逆多數之民心重啓無窮之戰禍則大局決裂殘殺相

尋勢必演成種族之慘劇將至九廟震驚兆民荼毒後禍何忍良言兩害相形取其輕者正朝廷

番時觀變痼疾吾民之苦衷凡爾京外臣民務當善體此意為全局熟權利害勿得挾虛幟之意

氣逞偏激之空言致國與民兩受其禍若民政部步軍統領姜桂題馮國璋等嚴密防範剴切開

導俾皆曉然於朝廷應天順人大公無私之意至國家設官分職以為民極內列閣府部院外建

督撫司道所以康保羣黎非為一人一家而設爾京外大小各官均宜慨念時艱此詔既下

慎供職守應即責成各長官敦切戒勸毋曠官守用副夙昔愛撫庶民之至意

全國歡騰蓋舉五千年專制之積習一掃而空而別開全中國五族共和

之新局面時宣統三年十二月二十五日即民國元年二月十二日也自是清祚告終乃

永為中華民國清自世祖入關至宣統三年遜國凡傳十世歷二百六十

有九年

附優待條件如左

甲優待皇室八條

一存清帝尊號以待各外國君主之禮相待
二歲給清室經費四百萬
三以頤和園爲清帝住室
四保護清宗廟及陵寢
五修清德宗崇陵
六從前宮內各項執事人員照常留用
惟以後不復再招闖人
七保護清帝原有之私產
八原有之禁衛軍歸民國陸部編制
額數俸餉悉如舊

乙待遇清皇族四條

一清王公世爵概仍其舊
二清皇族對於民國國家公權及私權與國民平等
三清皇族私產一體保護
四清皇族免當兵之義務

丙待遇滿蒙回藏七條

一與漢人平等
二保護其原有之私產
三王公世爵照舊襲封
四王公中有生計過窘者設法代籌生計
五先籌八旗生計於未籌定之前
八旗兵弁餉俸照舊支放
六從前營業居住等限制一律蠲除
各州縣聽其自由入籍
七原有之宗教聽其自由信仰